

2 Tesalonika

Mériaŋ ac.

¹ Paulo zéma Siliwano zéma Timoteo nini Anutu maŋgocnina zéma Miŋ Kewunina Yesu Kristoac qeriaiguc kecanzu Tesalonika hénarini onac kiwi yomi oénécimiziŋ. ² Anutu maŋgocnina zéma Miŋ Kewunina Yesu Kristoac murunec ewa hia zéma luaenéŋ onacmuru hema kecmac.

Gésigési ai.

³ Ninzéŋ ninzéŋ dacmuna hécnina, neneŋ onac wamma nalé séc Anutu ewa hia ac wammima kecbiŋac hezac. Waŋu imuac niŋni sécgézac. Némac niŋ? Onac ninzéŋ ninzéŋgina imi yandima sécgéyu goi héihéi eŋac eŋac késa keczu iminéŋ yandianzac imuac mia imuhuc zézua. ⁴ Waŋu unu nesi zéma zérabéra hénia hénia moczoŋ yanda imuac sugginaiguc naŋselima ninzéŋgéŋic imuac suruc imi Anutuac hénarini ama séc keczu ionac neŋaoc meemma waŋ énécmianziŋ. ⁵ Imuhuc wanni haka iminéŋ moczoŋ Anutuac niŋgésigési ai solaŋa imuac asé kiwiya wanzac. Waŋu nalé imuaru Anutunéŋ iniru solaŋa waŋŋic eŋeya héŋgaleŋ ama areŋa yanda imuaru kereŋ kereŋawac séc wammu niŋac ini qenzeŋ manzeŋ mihicŋi énécmigic keczu. ⁶ Waŋu qenzeŋ manzeŋ mihicŋi énécmimu imi onac qenzeŋ manzeŋnéŋ kitiwa hiabia ku énécmimac. ⁷ Waŋu Anutunéŋ solaŋa wanzac imuac mia qenzeŋ manzeŋ bisima

kecanzu onac imi niniguc momacnec tacniniḡ mi-hicḡi nénécmima bakia hiabia melej nénécmimac. Imuac Miḡ Kewunina Yesunéḡ eḡeya kua meme uḡahéra kucginaguc iniguc momacnec kurumeḡ igucnec ⁸ geric bélanḡiguc wininimu nalé imuaru imi, Anutu ménda nimmizu i zéma Miḡ Kewunina Yesuac buḡa suruc hiabia imi ménda niḡtoho waḡanzu i tasé zéra waiyaguc ku énécmimac. ⁹ Ic imuhucya imi eneḡ Miḡ Kewuninawac kic tan-era zéma iwac kuc edamuyaguc imuacnec elicḡé énécmima taséginawac kisikiyoḡ hémbénaḡa mi-hicḡi énécmiyu memu. ¹⁰ Ini imi nonac héipuc ac énéc énézéya imi ninzéḡgégic imuac niḡac Yesu imi nalé imuaru iwac météré énécmimia zéma hénaoriḡ ninzéḡgé migic ionac sugcinaiguc naḡu hémma mepési mima welicḡé mimu niḡac mama hamac. ¹¹ Imuac nini acguc nalé séc onac wamma zéwelec wammima yomuhuc zéanzḡi; Anutuni-nanéḡ onac niḡu héihéré énécmiyec imuac sécyā waḡu naḡgé énécmiyu haka hiabia hénia hénia imuac siḡa nimma ninzéḡ ninzéḡ aiya imi iwac kuhanéḡ meselimu. ¹² Waḡu Anutunina zéma Miḡ Kewunina Yesu Kristoac ewa hiaya niḡac Miḡ Kewunina Yesuac qaranéḡ sugcinaiguc eeyaguc waḡu ini acguc iwac qeriaiguc eeginaguc wammu niḡac zéwelec waḡanzḡi.

2

Héna ac logima kekec.

¹ Ninzéḡ ninzéḡ dacmuna hécnina, Miḡ Kewunina Yesu Kristoac mama hahaya zéma iwac wésiaiguc neḡaḡ hénaoriḡ imuac ara ménḡ

énézéni niŋgic. ² Biaŋac ara me zéauau me kiwi nonarunec zézéya imuaru koroma Miŋ Kewuninawac nalé yanda imi hazac zégic ewa qerigina qekez qeha ménda wamma ménda aurimu. ³ Méŋnéŋ méŋ ikoc ac imuhuc me imuhuc zéyu keŋhéi hahéi ménda wammu. Ac qeŋe haka zéma héna ac logilogi ic, kisikiyoŋac merac méŋ hicŋiyuguc nalé tetcgia hamacac hezac. ⁴ Inéŋ mia hazéc ai meanzac. Inéŋ anutu zéénéc énécmia zéma tosara mepési énécmianzu ionac suginaiguc onogicma eŋeyanec ou naŋ kecma Anutuac ocmuŋiguc tacma eŋeya ézéamuyu héngic, ni imi Anutu zémac. ⁵ Ni iniguc kerin nalé imuaru ac imuhucya énézéyi imi ménda niŋqelizu me? ⁶ Eŋeya naléya ducŋiyu hicŋimac niŋac deguc imi neuŋ héimiyu keczac. ⁷ Waŋu ac qeŋe miŋinawac kuc saŋanéŋ bec aiya mema keczac, néŋ neuŋ héimimianéŋ imuhuc wamma keŋkeru nalé waŋuguc héna namuŋa igucnec wagiru neuŋa qahac wammac. ⁸ Qahac waŋu imuaru mia ac qeŋe miŋina iminéŋ wininimac. Waŋu Miŋ Kewunina Yesunéŋ eŋeya kua wéséséyanéŋ ic biria imi qeyu humumac. Waŋu mama wininiyu, mama hahaya imuac edamuyanéŋ imuhucya imi moczoŋ mebiri énécmidacmac. ⁹ Ic biriawac hahaya imi Biria miŋinawac ai méndacma kuc hénia hénia zéma séséc hénia hénia zéma kiwi méréra ikora zéma ¹⁰ wawaŋ meme biriawac haka ikoranéŋ humucac buŋa ionac muru hama hicŋi énécmimac. Némac niŋ ieneŋ imi mehiaru énécmimac niŋ ménda wamma

ac hélawac goi héihéiya imi ménda anjéutigic imuac mia imuhuc hicji énécmimac. ¹¹ Imuac niŋ Anutunéŋ wai énécmiyu ikoc kuhaguc imuhucyanéŋ suginaiguc aiya meyu iwawai ikora imi ninzéŋgéanzu. ¹² Waŋu imi mia ac héla ménda ninzéŋgéma haka biriawac siŋa nimma kecanzu séc képésic ginaguc zéénécmimia wammac.

¹³ Miŋninawac siŋniŋ waŋ énécmimia, ninzéŋ ninzéŋ dacmuna hécnina, Uŋa téréyanéŋ météré énécmiyu ac héla imi ninzéŋgéigic mehiaru énécmimac niŋac Anutunéŋ hénihénia igucnec énépésiyec. Hénia imuac niŋac nini nalé séc onac wamma niŋni sécgéyu Anutu ewa hia ac ézéwiŋac hezac.

*Ini gési énécmiyu anjéŋ titiac
buŋa wanzu.*

¹⁴ Imuac mia Miŋ Kewunina Yesu Kristoac edamuya imi eŋ énécmiyu késamu niŋac inéŋ buŋa suruc hiabia nonarunec hahaya imi énézéma héihéré énécmiyec. ¹⁵ Imuac niŋac ninzéŋ ninzéŋ dacmuna hécnina, selianec naŋselima ackuazéc kuaninanéŋ zézéya me kiwininanéŋ ku énécmiyiŋ mératéc buŋa imi niŋtoho wammu. ¹⁶ Miŋ Kewunina Yesu Kristo zéma goi héihéi waŋ nénécmima meme seli ac tetcgia qahac zéma niŋkumu hiabia imi ewa hiawac eŋ nénécmiyec Anutu maŋgocnina iereŋ ¹⁷ onac ewa qerigina meseli énécmima wawaŋ meme hiabia hénia hénia zéma acginaiguc meseli énécmimaoc niŋac wanziŋ.

3

Zéwelec welecac ai énécmigic.

¹ Ninzéh ninzéh dacmuna hécnina, tetcgiawac énézéni niṅgic. Ini nonac niṅ wamma yomuhuc zéwelec wammu; Miṅ Kewuninawac ackuazécnéh onac sugginaiguc ai meyec éséc nec foc foc saima kemma ee héihéiyaguc wammac.

² Waṅu ic zipiliṅ zapalaṅa zéma biria meme ic ionac murunec metecgé nénécmimac niṅac zéwelecmu. Ninzéh ninzéh imi baec ic moczoṅ ionac buṅa qahac, néṅ momac momacnéṅ késa keczu imuac niṅac imuhuc zézua. ³ Miṅ Kewunina imi ménzé ménzéya qahac, imuac meseli énécmima ic biriawac muru galeṅ memac.

⁴ Onac imi Miṅ Kewuninawac qeriaiguc yomuhuc zéma ninzéhgéziṅ; Ini zéseli énécmiziṅ imi niṅtoho wamma emma kecmu. ⁵ Miṅninanéṅ onac ewa qerigina qindiṅi énécmiyu Anutuac goi héihéi zéma Kristoac naṅseli seliiguc keremmu.

Qéizéh wamma kecbu niṅac goro ac waṅ énécmigic.

⁶ Ninzéh ninzéh dacmuna hécnina, Miṅ Kewunina Yesu Kristoac qaraiguc yomuhuc zéseli énécmiziṅ; Sicsaoc wamma mératéc haka nonac murunec niṅareṅgégic imi ménda tohoanzu ionac murunec néṅgacmu. ⁷ Haka silic waṅanzṅi imi dimuhuc méndacma wammu imi ini eṅaoc nindaczu. Nini onac sugginaiguc qéizéh ménda wamma kerṅ. ⁸ Waṅu nini onac muru méṅac méṅ réwéri ménda mihicṅi énécmiwiṅ niṅac, onac murunec yaka boṅtegitic méṅ ménda mema

neyiñ, nêñ méraninanêñ siñi kaiwe séc ai selianec meaniñ. ⁹ Imi mia imuhuc wambiniñ niñac qac buña ménda zé nénécmiyecac qahac, nêñ onac muru haka séséha wamma énézeni ninicma méndac nénécmimu niñac imuhuc wañaniñ. ¹⁰ Nini iniguc momacnec keriniñ nalé imuaru acguc yomuhuc zéseli énécmiyiñ; Méñnéñ méñ ai memeyawac mézégina tizaciguc nene ménda nemac. ¹¹ Nêñ yomuhuc zégic niñiñ; Onac sugginaiguc tosananéñ mézétiti wamma kecma ai méñ ménda mema eñ keñha wamma acnéñ réwéri sasala mihicñianzu. ¹² Ic imuhucya imi zéseli énécmima Miñ Kewunina Yesu Kristoac qeriaiguc zéñangé énécmima yomuhuc zéziñ; Acgina qaiyu ai mema eñañ nene mihicñima nemu. ¹³ Ninzêñ ninzêñ dacmuna hécnina, ini haka hiabia wamma kecma ewa qerigina qeka meka ménda wammu. ¹⁴ Méñnéñ méñ kiwi yomuaru ackuazéc wañ énécmiziñ imi ménda niñtohouy ic imuac hénia zéhicñima qéqéhéréñ ménda wammigic gamuya nimmac. ¹⁵ Wañu iwac mia niñgic hazécgina ésécnec ménda wammac, nêñ dacmuna ésécnec wañu zéñangé mimu.

Ac tetecgia.

¹⁶ Luaeac Miñ Kewunina eñeyaoc nalé zéma aigina séc onac muru luae qeénécmimac niñac wanziñ. Miñnina imi momac yanda iniguc momacnec kecmac.

¹⁷ Ni Paulonêñ mérananéñ oma yai zézégina zézua. Imi mia kiwi imi nuarunec hahaya imi héñtegicmu niñac asé kiwina yomuhuc oanqua.

¹⁸ Neḡaḡ Miḡ Kewunina Yesu Kristoac ewa hi-
anéḡ ic tuḡ onac muru hema kecmac.

SISIPAC AC QJELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 21 Feb 2024 from source files dated 31 Aug 2023

0403b50f-078d-52e2-a203-056e8a430665